



АПАТ АШҚАН АҚИҚАТ



САМОКАТ ҚАҒЫП
КЕТПЕСІН



Қасым-Жомарт ТОҚАЕВ,
ҚАЗАҚСТАН РЕСПУБЛИКАСЫНЫҢ ПРЕЗИДЕНТІ:

Былтыр Қазақстан экспорты 40 пайызға артты. Дегенмен біздің жалпы ішкі өнімнің едәуір бөлігі бұрынғыша энергетикалық секторға тиесілі. Сондай-ақ экономиканы әртараптандыруға деген ұмтылысымыз артып келеді. Автомобиль құрас-тыру, фармацевтика, металл өңдеу және машина жасау сияқты бірқатар салада өсім бар екенін байқап отырмыз. Біз іскерлік және экономикалық серіктестік үшін жаңа мүмкіндіктер іздегендердің бәрін шақырамыз.



Сұлтан СЕЙІТ

9

АСТАНАДА ҚАНША ЛАГЕРЬ БАР?

Кезекті оқу жылы аяқталып, оқушылар бүгінде каникулда жүр. Биыл Астана балалары үшін 155 жазғы лагерь жұмыс істейді. Бұл демалыс орындарында 200 мыңға жуық оқушы білім беру, шығармашылық, емдеу-сауықтыру, спорттық іс-шаралармен қамтылады.

ТАРИХИ ТҮЛҒАЛАР ЕСІМІ БЕРІЛДІ

Астана қаласы әкімдігінің 2023 жылғы 12 маусымдағы №511-1116 қаулысына сәйкес, елорданың 6 мектебі ресми түрде тарихи тұлғалар есімімен аталатын болды.

Атап айтқанда, №1 мектеп-лицейге Кеңес Одағының Батыры, авиация генерал-майоры Талғат Бигельдиновтің, №70 мектеп-лицейге көрнекті мемлекет және қоғам қайраткері Темірбек Жүргеновтің, №92 мектеп-лицейге геология-минералогия ғылымдарының докторы, академик, ҚР Ұлттық ғылым академиясының алғашқы құрылтайшысының бірі, жазушы-зерттеу-

ші Ақжан Әл-Машанидін, №65 мектеп-гимназияға Алаш қозғалысының қайраткері, қазақ поэзиясының аса көрнекті өкілі Мағжан Жұмабайұлының, №88 мектеп-лицейге Қазақстанның Халық жазушысы, көрнекті ақын Қадыр Мырза Әлінің, №1 өнер мектебіне қазақтың әйгілі күйші-композиторы, домбырашы, шертпе күй мектебінің негізін қалаушының бірі Тәттімбеттің есімі берілді.

Кеше Мәжіліс Ұлттық қордан балаларға төлем жасау мәселелері бойынша түзетулерді бірінші оқылымда қарады. Жоба Мемлекет басшысының тапсырмасы аясында әзірленген.

ҰЛТТЫҚ ҚОР – БАЛАЛАР ҚАМҚОРШЫСЫ

Заң жобасының мақсаты – Ұлттық қордың жыл сайынғы инвестициялық кірісінен балаларға ақшалай жинақ түрінде мемлекеттен алғашқы көмек беру, кемелет жасына толған балаларға тұрғын үй жағдайын жақсарту немесе білім алу мүмкіндігін беру.

18 жасқа толғаннан кейін шоттағы қаражат 10 жыл бойы сақталады. Көрсетілген кезеңде азамат тарапынан талап етілме-

ген жағдайда, шоттағы қаражатты сол адамның зейнетақы шотына аудару ұсынылады.

Жобаға қатысу үшін қандай да бір мемлекеттік органға жүгінудің қажеті жоқ, есептеулер автоматты түрде жүзеге асады, есепке алуы БЖЗҚ жүргізеді.

Жинақталған қаражатты 18 жасқа толғаннан кейін ғана пайдалануға болады және төленетін қаражат салықтан босатылады.





және техникалық көмегімен өткізу жөнінде қарар қабылданды.

III сьездің басты тақырыбы діни көшбасшылардың рөлі болды, онда толеранттыққа, өзара құрмет пен ынтымақтастыққа негізделген әлемдік құруда оларға ерекше үміт жүктелді.

IV сьездің маңызды бастамасының бірі G-Global бірыңғай электронды порталы аясында жаһандық төзімділік пен сенімді қалыптастыру мен нығайтуға арналған интернет-ресурс құру болды. Кезекті төртінші басқосуға Бүкіләлемдік ислам лигасының президенті Шейх Абдалла бен Абдель Мухсин ат-Турки, Сауд Арабиясы Королінің өкілі, осы елдің Консульгативтік кеңесінің төрағасы Абдалла әл-аш-Шейх, әл-Әһар мешітінің бас имамы Шейх Мухаммад Ахмад Ат-Тайеб, Мәскеу және бүкіл Ресей патриархы Кирилл, Бүкіләлемдік лютеран федерациясының бас хатшысы Мартин Юнге және басқа да танымал дін басшылары қатысты.

2015 жылғы маусымда өткен Әлемдік және дәстүрлі діндер лидерлерінің V сьезі тақырыбына сай қабылдаған декларация қағидатының бірі әскери қақтығыстар тараптарын қақтығыстарды тоқтатуға, келіссөздер арқылы зорлық-зомбылықты тоқтату және бейбіт тұрғындарды қорғау туралы келісімдерді әзірлеуге шақыруға негізделді.

2018 жылдың қазан айында VI сьезге қатысушылар «Діни көшбасшылар қауіпсіз әлем үшін» басты тақырыбына бірауыздан келісетінін білдіріп, мәдениеттер мен өркениеттердің жақындасу мәселелерін талқылап, жаһандық қауіпсіздік пен экстремизм, терроризмге қарсы іс-қимыл шаралары туралы пікір білдірді.

Әлемдік және дәстүрлі діндер лидерлерінің VI сьезі жұмысының қорытындылары өзара іс-қимылдың жаңа деңгейіне шығу қажет екенін көрсетті. Қатысушылардың декларациясында барлық рухани көшбасшылар әлем қауымдастығына, халықтарына, мемлекеттеріне бейбітшілік пен қауіпсіздікке шақыратын үндеу қажет екені атап өтілді.

Әлемдік және дәстүрлі діндер лидерлерінің VII сьезі 2022 жылғы қыркүйектің ортасында елордада өтті. Аталған форумда пандемиядан кейінгі кезеңде адамзаттың әлеуметтік-рухани дамуындағы әлемдік және дәстүрлі діндер лидерлерінің рөлі кеңінен талқыланды.

«Қырғи-қабақ және өзара сенімсіздік жағдайы халықаралық қатынасқа қайта оралып жатыр. Заманауи сын-қатерлерге нені қарсы қоюға болады? Тарих бұған бір ғана жауап береді. Ол – ізгі ниет, диалог және ортақ күш-жігер. Табысқа жетудің басқа кепілі жоқ. Қазақстан кез келген даулы мәселені БҰҰ жарғысына сәйкес тек қана келіссөз үстелі арқылы қайшылықтарды күшпен, қорқытумен немесе санкциялармен реттеу мүмкін емес екеніне сенімдіміз. Мұндай сәттерде гуманистік идеалдарға жүгіну аса маңызды. Олардың басты қайнар көзі дәстүрлі діндер екені даусыз» деді ҚР Президенті Қасым-Жомарт Тоқаев.

ӘЛЕМДІК ДІНДЕР ДІНГЕГІ

Айгул УАИС

Тарихқа жүгінсек, 2003 жылғы 13 ақпанда діндер, мәдениеттер мен өркениеттерді жақындастыруда маңызды рөл атқарған Халықаралық бейбітшілік пен келісім конференциясында Қазақстанда Әлемдік және дәстүрлі діндер лидерлерінің сьезін өткізу бастамасы көтерілді. Арада 10 айға жетер-жетпес уақытта Әлемдік және дәстүрлі діндер көшбасшыларының алғашқы сьезі Н.Назарбаевтың бастамасымен 2003 жылғы 23-24 қыркүйек күндері Астанада өтті. Үш жылда бір рет өтетін Әлемдік және дәстүрлі діндер көшбасшыларының сьезі бүкіл әлем қоғамдастығының назарын аударып отырған бірегей оқиғаға айналды.

Астанадағы алғашқы діни форумның жұмысына ислам, христиан, иудаизм, синтоизм, индуизм, буддизм діндерінің ең беделді өкілдері қатысты. Адамзат тарихында алғаш рет ірі діни қауымдастықтардың өкілдері бір жерде бас қосты. Сьезде христиандықтың барлық тармағының – православиенің, католицизмнің, протестанттықтың өкілдері болды. Живын өркениетаралық және мәдениетаралық диалогтың жаһандық үдерісіне зор үлес қосты және әлемге әртүрлі діндер мен ұлттардың адамдарының болашағы, бейбіт және лайықты өмір игілігі үшін ынтымақтастық идеясына балама жоқ екенін көрсетті.

Бірінші сьездің қорытындысы әлемдік және дәстүрлі діндер көшбасшылары қабылдаған декларация болды, онда конфессияаралық диалог халықтар мен ұлттар арасындағы бейбітшілік пен келісімді ұстап тұрудың, өркениеттер арасындағы диалогты ілгері жылжыту

Халықаралық қоғамдастық пен әлемнің көптеген елі үшін үлгі бола алатын ұлы-аралық және конфессияаралық келісімнің бірегей үлгісіне Қазақ елінің жаңа астанасының төрінде куә болдық. Бүкіл тарихында аса ұлы өркениеттердің ізі қалған және мәдени мұраларының тоғысу орталығы ретінде де әлемдік және дәстүрлі діндер көшбасшыларының үлкен жиыны елордамызда өтуі заңдылық еді. Дінаралық және конфессияаралық үн қатысудың бірегей алаңы – әлемдік деңгейдегі форум бүгінге дейін жалғасын тауып келеді.

жөніндегі халықаралық қоғамдастықтың күш-жігерін ұстап тұрудың маңызды құралының бірі ретінде қаралды. Сьезд қатысушылары жаңа мыңжылдықта бейбітшілікті қамтамасыз ету мақсатында рухани құндылықтар мен мәдениет диалогын ілгері жылжыту ісінде ынтымақтастықты жақтайтынын қуаттады. Олар діни әртүрлілікті өшпенділік пен алауыздықтың құралы ретінде пайдалануға жол бермеу, діндер мен мәдениеттердің жаһандық жанжалын болдырмау үшін барлық күш-жігерін жұмсауға әзір екенін білдірді.

Әлемдік және дәстүрлі діндер көшбасшыларының II сьезі Астанада арнайы салынған ғимаратта – Бейбітшілік және келісім сарайында өтті. II сьезде Н.Назарбаев алдағы жылдардың бірін «Діндер мен мәдениеттер арасындағы диалог жылы» деп жариялау туралы бастама көтерді. Бұл бастама БҰҰ Бас Ассамблеясының 62-сессиясында қабылданған 2010 жылды «Мәдениеттерді жақындастырудың халықаралық жылы» деп жариялау туралы қарары негізінде жүзеге асты.

Сьезд шешімдері Қазақстанда, сондай-ақ шетелдерде зор қолдау тапты, ірі халықаралық шараға айналды. БҰҰ Бас Ассамблеясының 63-сессиясында Әлемдік және дәстүрлі діндер көшбасшыларының 2009 жылы өтетін III сьезін БҰҰ тарапының қатысуымен



«ҚАЗАҚ ЕЛІ» МОНУМЕНТІ

Астана қаласының басты көрікті орнының бірі – Тәуелсіздік алаңының қақ ортасында бой түзеген «Қазақ елі» монументі егемендігіміздің алтын арқауы іспеттес. Бұл – әр қырына Қазақстан Республикасының қалыптасу тарихындағы елеулі оқиғалар бедерленген, ақ мәрмәрдан соғылған төртбұрышты іргетасқа орнатылған ақ мұнара. Еліміз тәуелсіздік алған кез 1991 жыл болса, құрылыс биіктігі де 91 метрге тең.



Монумент авторлары – Сәрсенбек Жүнісов пен Жаңбыршы Нұркенов. 28 колоннадан тұратын монументтің жалпы ұзындығы – 120 метр.


Жалпы аумағы 5,2 гектар жерді алып жатқан бұл ескерткіштің ел тарихынан алар орны ерекше. Ол – халқымыздың көне тарихы мен мәдениетін, қол жеткен жетістіктерін әспеттейтін ауқымды кешен. Ұшар басына елдің тыныштығын «қүзетіп» самұрық құсы қонып тұр. Бұл тәуелсіз Қазақстанның дамуға, гүлденуге ұмтылған ынта-жігерін бейнелейді. Сондықтан алып сәулетті мүсін кешенінің «Қазақ елі» атануы да тегін емес. Ол – тәуелсіздіктің нышаны.

«Қазақ елі» – тәуелсіздік монументі ғана емес, халықтың мәңгілік рухын, мемлекеттік тұтастығын, іргесінің берік-

тігін аңғартатын белгі. Оның тұғырының төрт жағына қазақ халқының болмыс-бітімін, өткен тарихын бейнелейтін барельеф бедерлер салынды. Төрт қабырғаның өз айтары бар. Қазақ елінің басынан өткен тағдыр соқпағы да сонда жатыр. Оның бірінші барельефі «Елбасы және халық» деп аталады. Онда Ата Заңға қолын қойып, ант беріп тұрған мемлекетіміздің Тұңғыш Президенті Нұрсұлтан Назарбаевтың бейнесі бейнеленген. Бұл – елімізде заңның заңғар, ал азаматтардың құқығы мен бостандығы қашанда асыл қазына екенінің белгісі. Ал соған жалғаса орналасқан халық – кең-байтақ өлкеміздің тату-тәтті тіршілік құшағындағы тұрғындары. Ал көкте қалықтаған қарлығаштар – елдегі еркіндік пен бейбітшіліктің көрінісі.

Монументтің оңтүстік беткейіндегі барельеф «Қаһармандық» деп аталады. Бұл – қазақ халқының ежелден қанында бар өр рухтың жарқын көрінісі. Яғни байырғы көшпелі халықтың бойына біткен болмысы мұнда бейнеленген батырлар мен

ақын-жыраулардың мүсіні арқылы тамаша үйлесім тапқан. Батыс бөлігі «Жасампаздық» тақырыбында сыр шертіп тұр. Көшпелі заманнан қарышты игеру дәуіріне дейінгі қазақ халқының еңбек жолындағы даму жолының белгісі осында өрнектеледі. Бұл жерден елдің әлеуметтік-экономикалық өсіп-өркендеуіне үлесін қосқан металлургті де, мұнайшыны да, инженер мен диқан, құрылысшы мен ғарышкерді де кезіктіресіз. Демек, еңбексүйгіш елдің ерен қажыр-қайраты сонысымен құнды. Ескерткіштің соңғы шығыс беткейі «Болашақ» деп аталады. Ел ертеңі болар айбынды жас буынның бейнесін әспеттеген бұл барельеф Қазақстан жастарына арналған. Ғылым мен білім, спорт, мәдениет пен өнерде өрге ұмтылған ел ертеңінің өкілдерін осы арадан табасыз. Ал олардың қақ ортасында жұп құраған жас отбасы бөліп тұр. Бұл – қоғамымыздың мемлекеттің ішіндегі шағын мемлекет – отбасына қомақты көңіл бөліп, адам өміріне айрықша мән беруінің кепілі.





Жазғы лагерь – балаңызды жаңа достармен таныстыру, оның әлеуетін ашу, сенімді және өз бетінше шешім қабылдауды үйрену мүмкіндігі. Жазғы каникулда балалар шетелде, ауылда немесе ақылы лагерлерде өз демалыстарын өткізеді. Жалпы еліміз бойынша балалар үшін сауықтыру, білім беру, экологиялық, шығармашылық, спорттық, көшбасшылық бағдарламалары бар лагерлер жабдықталған.

АСТАНАДА ҚАНША ЛАГЕРЬ БАР?

Елордада 155 жазғы лагерь жұмысын бастады, оның 85-і – мектеп жанындағы, 68-і – мамандандырылған, 2-і – қала сыртындағы лагерлер. Биыл жазғы кезеңде 197 869 оқушы жазғы демалыстың барлық түрімен қамтылады, – деп хабарлады Астана қаласы Білім басқармасының баспасөз қызметі.

Біз бүгін мектеп жанындағы лагерьдегі оқушылардың тыныс-тіршілігімен таныстыруды жөн көрдік.

Мектеп – оқушыға тек қана білім беретін оқу ордасы ғана емес, тәрбиелейтін орын. Әсіресе, үйінен, ата-анасынан алыстағы келмейтін, достарынан ажырамайтын балалар көбіне мектеп лагерін таңдайды.

ФЕРМЕРЛІК ЛАГЕРЬ

Астана қаласындағы С.Мәуленов атындағы №37 мектеп-лицейде ашылған мектепшілік

ТЫНЫҒЫП, ТАНЫМЫН КЕҢЕЙТЕДІ

лагерьге 4 топтан құралған 600 оқушы қатысады. Жалпы мектепте 4800 оқушы, 235 ұстаз бар.

Балалар таңертең келісімен сапқа тұрып, таңғы жаттығуларын жасайды, кейін бір-бірімен ойнап, сосын тамақтануға барады, ән айтып, би билейді. Бірге тегін театрларға, бассейнге барады. Және де бұл лагердің басқалардан ерекшелігі – балалар жылыжайда көкөніс егіп үйренеді.

– Болат Өтемұратов қорының демеушілігімен мектепте арнайы жылыжай ашылған болатын. Қараша айында алғашқы жылыжайымыздың есігі ашылды. Ең алғаш балалар арасында қияр, қызанақ, шалқан, сәбіз, картоп сынды көкөністерді қалай баптап-өсіру керектігін үйреттік. Олардың қызыққаны соншалық, жылыжайға күнде келіп, күтім жасап, көкөністердің топырағын қосытып, олардың күніне қанша сантиметрге өсетінін бақылап жүр, – дейді «Бағбан бала» тобының жетекшісі Ермек Нұрғалиұлы.

Балалардың барлығы жайдарлы, достарымен қайта қауышқандарына қуанышты. Өздерінің еңбектеніп екен көкөністерінің жемісін жеп отыр.

Неге мектеп лагерін таңдадың? – деген сұраққа балалардың біразы достарымен бірге қызығырақ деп жауап берді.

ЭТНОЛАГЕРЬ

М.Әуезов атындағы №86 мектеп-гимназияда «Ұлы дала ұланы» этнолагері бағдарламасы іске асырылды. Бағдарламаның мақсаты – оқушылардың маусымдық лагерін ұлттық құндылықтар негізінде ұйымдастыру. Бұл лагердің басқа демалыс орындарынан ерекшелігі – балалардың бойына қазақи болмысты қалыптастыру, ұмыт бола бастаған салт-дәстүрлерімізді жаңғырту.

Екіншіден, лагерь 4 мезгілде де жұмыс жасайды. Этнолагерь бағдарламасы 4 маусымдық «Жазғытұры», «Сарыжайлау», «Күзем», «Қыстау» бөлімдерінен тұрады.

Лагерде 11 топ бар, балалардың жалпы саны – 202. Мектепте 8 шеберхана бар. Әр шеберханада әртүрлі шеберлік жұмыстар жасалады. Алдымен, балаларға қауіпсіздік іс-шаралары түсіндіріледі. Лагерде ұлдар ағаштан қамшы, ал қыздар түрлі әшекей-бұйымдар жасап үйренеді. «Саз өнері» балалар арасында өте танымал. Сазды арнайы Түркістан қаласынан алдыртады. Балалар құмыраны жасап болғаннан кейін, өздерімен бірге алып кетеді. Оның шығу тарихын, содан соң қалай жасалу керектігін шеберхана иесі Тәуір Сейітбекұлы балаларға егжей-тегжейлі түсіндіреді.

Этнолагерь балалардың уақытын тиімді пайдалану мақсатында жұмыс жасайды. Сергіту сәтінде балалар бес асық, тоғызқұмалақ секілді ұлттық ойындар ойнап

көңіл көтереді, мотивациялық фильмдер көреді. Музыкалық аспаптарда ойнап үйренеді. Тіпті балалар осы жерден қалай қалай сою керектігін, ұлттық тағамдар қалай жасалатынын үйренеді.

Балалар үшін логопед, психолог, дефектолог мамандары жұмыс жасайды. Олар ерекше білімді қажет ететін оқушылардың таным процесін дамыту үшін, түрлі ойындар ойнатады.

«Ұлы дала ұланы» маусымдық этнолагерінің бағдарламасы Қазақ халқының күнделікті тұрмыс-тіршілігі, тарихы, мәдениеті, ауыз әдебиеті, өнері, ғылымы, ұлттық ойындары, ұлттық тағамдары және тән саулығы туралы тақырыптарын маусым бойынша түгел қамти отырып, оқушылардың ұлттық болмысын қалыптастыруды мақсат еткен.

МУЗЕЙДЕГІ ҮЙРМЕЛЕР

Жазғы демалыс кезінде Қазақстан Республикасының Ұлттық музейіне оқушыларға кіру тегін. Сондай-ақ мұнда тегін сабақтарға

жазылуға болады. Жазғы маусымда Астана күніне және басқа да мерекелерге арналған іс-шараларды өткізу жоспарлануда. «Музейдегі жазғы демалыс» жобасының мақсаты – балалардың жазғы бос уақытын дұрыс ұйымдастыру, Қазақстанның тарихи-мәдени мұрасын таныстыру, өскелең ұрпақтың мәдениетке деген қызығушылығын ояту. Маусым кезінде мұражай мамандары интерактивті танымдық экскурсиялар, ұлттық және спорттық ойындар өткізеді.

КИИЗ ҮЙДЕГІ ЛАГЕРЬ

«Тұлпар» киіз үй лагерьіндегі 7 күндік турдың құны – 25 000 теңге. Этникалық киіз үй лагерьі Ерейментаудың маңында, «Бұйраттау» ұлттық табиғи паркінің аумағында орналасқан.

«Тұлпар» лагерьінің бағдарламасында: оқу, туған жерді тану, Қазақстан халықтарының ұлттық ойындар мен қолөнері, атқа міну, домбыра тарту, тағамдар әзірлеу, шеберлік сынаптары, команда құру ойындары, квесттер, театрландырылған қойылымдар, байқаулар, би кештері ұйымдастырылады.

ШАТЫРЛЫ ЛАГЕРЬ

«Батыр» лагерьінің 7 күндік туры – 25 000 теңге. Лагерь Астанадан 100 шақырым жерде, Ерейментау аймағында «Бұйраттау» ұлттық табиғи саябағының аумағында орналасқан. Лагерь 6 маусымнан бастап 7 күннен жұмыс істейді, бір маусымда 160 бала қамтылады. Бағдарламасында: жаяу жүру, спорт эстафеталары, шеберлік сабақтары, квесттер, кешкі іс-шаралар, жарыстар, би кештері және тағы да басқа ойын-сауық бағдарламалары бар.

ОҚУШЫЛАР САРАЙЫНДАҒЫ ЛАГЕРЬ

Махамбет Өтемісұлы атындағы оқушылар сарайының бір

маусымдық турының бағасы – 25 000 теңге. Балалар үшін ағаш ою өнері, хореография, вокал, көркемсурет, спорт секциялары (жүзу, карате, шахмат) бар. 5 жастан 18 жасқа дейінгі әрбір мүдделі бала Mindal электрондық порталы арқылы «Ұйымға қабылдау және қосымша білім беруге қабылдау» мемлекеттік қызметін ала алады. Бүгінгі таңда үйірмелер мен секцияларда 920 оқушы тегін және ақылы негізде оқуын жалғастыруда.

«АҚКӨЛДЕГІ» ЛАГЕРЬ

«Атпап» және «Боровичок» 7 күндік турының бағасы – 42 000 теңге. Екі лагерьде елордадан 100 шақырым жерде, Ақмола облысы Ақкөл қаласының жанында орналасқан. Лагерьдің бағдарламасы: әртүрлі жастағы балалардың ерекшеліктерін ескере отырып құрастырылған логикалық шығармашылық оқиғалы квесттер, команда құру ойындары, шығармашылық шеберханалар, үйірмелер, туризм негіздерін үйрену, құзға өрмелеу, жарыстар, ойын-сауық, би кештері және тағы да басқа іс-шаралар ұйымдастырылған. Лагерь жұмысына педагогикалық ұжымдардың кәсіби жетекшілері қатысады. Іс-шаралар қазақ және орыс тілдерінде өтеді.

Санасын сабақтан арылтып, балалық шақтың аралында алаңсыз сайрандауды армандамайтын бала жоқ. Осы орайда лагерь – балалар демалысы үшін таптырмас орын. Демалысында интернеттен бас алмай отырғаннан, түрлі лагерьлерге барып, білімін жетілдіріп, жаңа ортамен танысқаны жөн деп ойлаймыз!

Шынар ӘБИП,
Гауһар АМАНГЕЛДІ,
Л.Гумилев атындағы
Еуразия ұлттық университетінің
2-курс студенттері

Елордада 155 жазғы лагерь жұмысын бастады, оның 85-і – мектеп жанындағы, 68-і – мамандандырылған, 2-і – қала сыртындағы лагерлер. Биыл жазғы кезеңде 197 869 оқушы жазғы демалыстың барлық түрімен қамтылады



БАЛА ЛАГЕРГЕ НЕ АЛЫП БАРУЫ КЕРЕК?

- Ауыстыратын іш киімдер (шұлықтар, жейделер және тағы да басқа)
- Әртүрлі ауа райына ауыстырып киетін ыңғайлы аяқ киім;
- Спорттық және бөлме аяқ киім
- Жемпір, күртеше, спорттық киімдер
- Бас киім (кепка, шарф)
- Шомылдатуға арналған киім
- Жеке гигиеналық заттары (сүлгі, тіс щеткасы, тарақ және т.б.)
- Дәрі-дәрмектер, жақпа майлар.



